

ISSOGNE

Dé ayoun veun-ti lo non Vatican ?

In cou, lo Vatican y ire lo non d'in crehton dé Romma, dou couti dreut dou *Tevere*, fran devàn lé Tsan dé Mars é a dreutte dou *Gianicolo*.

D'én primin y ire in post mosan é oumido ; tot a vacollo, maque bon pé alé lardzin.

Quica dé ten aprì, Agrippina y at fét dé bi djardén dé helle beurt vacollo ou fon dou crehton.

Sempre lai pé lo Vatican, l'impérator Nérón y at fét fare in piquiot tchirco privó ; lai dedeun y an itó amahià lé primin martir crehquian, é intrimin dé lor co l'*apostolo* Pière qué y at itó intèro proppe lai.

Depouì inonca, hi crehton y at vignà in himitire tan pé lé pagàn qué pé lé crehquian, tanque ou ten dé l'impérator Costantén qué, inti-z-àn qué van dou 326 ou 333 aprì Jézù Cri, y at comandó dé fare impianì la pouente dé la créhta pé fare fare la primin *basilica* dédicoye a sen Pière.

Èra ou Vatican ite lo sen Pare ; ma y at po sempre itó parin : ou Mouayèn Adzo lo sen Pare itove dedeun lo palah dou Latèràn é pieu tar dedeun d'otre importàn palah dé Romma come lo *Quirinale*, qué ou dzor dé vouèi y ét la rézidensa dou prézidèn dé la répubblica *italiana*.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Tiré de : www.focus.it, juin 2002

Texte publié en 2008 sur « Issouegne » - Commune d'Issogne

Collaborateur d'Issogne pour la traduction : Sandra Cout

La transcription a été soignée par le Guichet Linguistique

Mise à jour de la graphie : octobre 2013